



Školski list učenika JU OŠ „Mramor”



Kids English - Kindergarten



Januar 2017/20178

Sadržaj

Upis u prvi razred– kako se pripremiti.....	3
Sportski dan-Vremeplov.....	6
U zdravom tijelu zdrav duh.....	7
20.10. Dan jabuka.....	8
Pošta.....	9
Dan državnosti BiH -25.11.....	10
 Prodajni bazar.....	12
Dan rudara.....	13
Roboti i stem eksperimenti oduševili učenike.....	16
Školska priredba u područnoj školi u Dobrnji.....	17
Novogodišnji bazar u područnoj školi u Dobrnji.....	18




IZDAVAČ
JU OŠ „MRAMOR“

ZA IZDAVAČA
BELMA SMAJIĆ, DIREKTORICA ŠKOLE

ŠKOLARAC
Bosna i Hercegovina
Federacija BiH
Tuzlanski kanton
JU OŠ „MRAMOR“

GLAVNA UREDNICA
Amra Sinanović

Redakcija
Belma Smajić, Alma Azapagić, Džafić Nermina i članovi novinarske sekcije



Evo, dragi roditelji budućih prvašića i to ste dočekali. Vaš mali nemirko kreće u školu, a kao da ste mu još jučer mijenjali pelene. Velika ja to promjena za sve ukućane, a najveća za dijete. Sada ga čekaju nove obveze, svakodnevni rad, uspjesi, a ponekad i neuspjesi, problemi, ali i zadovoljstvo postignutim.

Kako pomoći djetetu da postigne što bolju kontrolu i ravnotežu između svega onoga što mora i što želi? Kako mu pomoći da pokaže svoje sposobnosti i da se dalje uspješno razvija? Mnogo je to pitanja na koje odgovore ne znaju ni oni koji rade s djecom, a niti iskusniji roditelji s više đaka.

Svako je dijete jedinka i osoba za sebe sa svojim vrlinama i manama, predispozicijama da nešto postigne i bude uspješno u različitim područjima. Nema recepta za uspješan odgoj, svakom se djetetu treba pristupiti na drugačiji način i naći kako mu pomoći, ali ga pustiti i da se pritom samostalno razvija.

Ovim vas malim savjetima želimo samo uputiti kako i od kuda početi da bez straha ili ustezanja, ako treba, zatražite pomoć u knjigama ili od stručnih osoba. No, najvažnije je da ste uvijek tu za svoje dijete, što svjesniji njegovih vrlina i mana, njegovih sposobnosti i mogućnosti spremni da mu pomognete i da ga bezuvjetno volite. Vježbajte: sa djetetom:

motoriku - igranje kockicama i slagalicama, rezanje, šivanje, trganje papira, ljepljenje,nizanje perli, rad sa škarama,igranje plastelinom ili tijestom, bacanje i hvatanje velike lopte, vožnja bicikla, preskakivanje konopa, hodanje po crti-gredi, penjanje, skakanje, vezanje cipela, zakopčavanje i otkopčavanje odjeće ...

govorni izraz - razgovarajte s djetetom; primijetite, podržite i pohvalite svaki pokušaj govora; potičite ga da pravilno govori; razgovarajte o odnosima u prostoru (prvo, srednje, gore-dolje, lijevo-desno); opisujte predmete i tražite od djeteta da otkrije o čemu govorite; pomozite djetetu da slijedi dvosložne i trosložne upute („ idi u svoju sobu i donesi mi slikovnicu o kornjači i zecu“); potaknite svoje dijete da i samo daje upute; iskoristite svakodnevne aktivnosti - npr. u trgovini ili dok spremate ručak, potičite dijete da imenuje posude, jela, povrće, njihov izgled, okus, miris, što voli, što ne voli...

igre brojevima - brojiti predmete, oduzimati, dodavati, odnosi veličine i količine

razgovarajte o školi - pojasnite djetetu što ga očekuje u školi, nemojte ga plašiti, usporedite školu i vrtić ističući ono što će biti drugačije

zajedno opremite radni kutak za dijete, zajedno kupite sve što je djetetu potrebno za školu pritom uvažite i poneku njegovu želju

prošetajte s djetetom do škole putem kojim će se i ubu-
škole

dijete mora znati osnovne podatke o sebi - kako se zov

radite na kućnom odgoju, uvažavanju svih članova kole
odraslima, nonasilnom rješavanju problema i suku

uvodite esnečna pravila brige za sebe i svoje stvari – uređenje





UVEDITE PRAVILA OD PROVJERUĆE DNEVNIK

dijete samo piše zadaće (uz vašu provjeru učinjenog)

samo sprema stvari za drugi dan prema rasporedu koji će dobiti u školi (vi ponovo samo provjerite je li sve dobro složeno, provjerite i pribor u pernici)

neka odlazak u krevet ne bude nakon 21 sat, u tome budite dosljedni barem tijekom radnog tjedna jer djeca trebaju biti odmorna da bi što uspješnije odradila sljedeći dan

uveďte dnevni ritam rada tj. kada će se dijete nakon škole odmoriti, a zatim napisati zadaću i po potrebi vježbati

važno je da svaki dan vidite što se radilo u školi, pohvalite svaki napredak, dijete mora znati da je ono što radi u školi vama važno, ali pritom nemojte biti strogi ili prezahtjevni

nekoliko će djeci trebati dulje vrijeme za prilagodbu na novi način rada i obaveze koje ih svaki dan čekaju, ne shvaćajte to tragično već ohrabrujte dijete, ono mora znati da ste tu za njih uvijek i u svakoj situaciji ne tjerajte dijete da radi ono što ste vi oduvijek željeli sami raditi, ali niste stigli ili mogli, pustite ga da otkrije svoje talente i interes



Dana, 13.10.2017. godine organizovan je sportski dan u školskom dvorištu za učenike razredne nastave. Aktivnosti su sprovedene na temu „vremeplov“ gdje su se učenici takmičili u igrama: skakanje u vrećama, nošenje loptice u kašikama, a zatim su igrali „školice“, lastiša, preskakali vijaču i igrali razne igre s loptom.



Dana, 13.10.2017. godine organizovan je sportski dan i u školskom dvorištu područne škole u Dobrnji, za učenike od I do V razreda.

Aktivnosti su sprovedene na temu „U zdravom tijelu , zdrav duh“ gdje su se učenici uzeli učešće u igrama: trčanje sa zadacima, igre s loptom mali fudbal , košarka, odbojka, štafetne igre, elementarne igre „školice“, lastiša, preskakanje viače .



U osnovnoj školi "Mramor" u Mramoru u petak, 20.10.2017. godine organizovana je edukativno-kreativna radionica povodom Dana jabuka. Radionicu sam realizovala sa učenicima i roditeljima. Cilj radionice je bio obilježavanje Dana jabuka, razvijanje svijesti o značaju jabuke u svakodnevnoj ishrani čovjeka, podučavanje o karakteristikama jabuke, razvoj kreativnosti učenika, te saradnja roditelja i škole. Učenici su u grupnom radu sa svojim roditeljima izradili kreativne radeve koje smo zatim izložili u učionici. Po završetku radionice svi smo se počastili kolačima i sokovima od jabuke koje su pripremile vrijedne mame.





BH POŠTA

NAUČILI SMO I ŠTASE NE SMIJE SLATI KAO POŠTANSKA POŠILJKA

#



U petak, 10.11.2017. organizovan je odlazak učenika IIa i IIb u poštu (u Mramoru), gdje im je poštanski službenik pokazao i detaljno objasnio sadržaje vezane za poštu, a kojesu učenici prethodno učili iz Moje okoline. Učenike su u poštu vodile učiteljice Drapić Armela i Džafić Nermina.

S obzirom na to što BH Pošta prenosi pošiljke unutar Bosne i Hercegovine, odnosno u druge zemlje, od pošiljaoca do primaoca, a da pri tom nema uvid i, u pravilu, ne može znati šta se u pošiljkama nalazi, neophodno je da se svim pošiljaocima daje do znanja koje predmete i stvari ne smiju stavljati, ili koje predmete mogu staviti uvjetno u poštanske pošiljke, a sve u svrhu da se pošta ili primalac osigura od eventualne štete prouzrokovane sadržajem pošiljke koja se predaje na prijenos, odnosno da se zaštite interesi zemlje kada se radi o otpremi pošiljke u međunarodnom saobraćaju/prometu.

Korisniku poštanskih usluga zabranjena je predaja poštanskih pošiljki koje sadrže sljedeće predmete ili tvari:

koji po svojoj prirodi ili ambalaži mogu biti štetni za normalno odvijanje poštanskog saobraćaja/prometa time što predstavljaju opasnost (u pogledu zagađenja, oštećenja ili života) za zaposlenike pošte ili za poštanska transportna sredstva i poštansku opremu ili za ostale poštanske pošiljke; eksplozivne i lako zapaljive predmete ili predmete čiji je prijem povezan s opasnošću za druge pošiljke, poštanske objekte i opremu, te prijevozna sredstva ili za zdravlje i život ljudi (barut, benzin, petrolej, jake kiseline);

predmete čiji je promet zakonom zabranjen (opijum, morfijum, kokain i druge droge) ukoliko se ne razmjenjuju između zakonom ovlaštenih institucija (bolnice, tvornice lijekova i zdravstveni zavodi), odnosno u međunarodnom saobraćaju/prometu u medicinske i naučne svrhe, između zemalja koje ih pod tim uvjetima prihvataju;

predmeti čiji je promet zabranjen u unutrašnjem saobraćaju/prometu (zabranjene publikacije), odnosno čiji je uvoz zabranjen po zakonodavstvu odredišne zemlje u međunarodnom saobraćaju/prometu;

žive životinje u pismonosnim pošiljkama osim pčela, pijavica i svilenih buba, u međunarodnom saobraćaju/prometu dozvoljena je otprema živih životinja u poštanskim paketima samo za one zemlje koje odobravaju taj promet i u svom unutrašnjem saobraćaju/prometu;

pošiljke nemoralnog sadržaja.

U poštanskim pošiljkama ne mogu se prenositi žive životinje osim pčela, pijavica i dudovih svilaca. U slučaju da postoji opravdana dvojba da poštanska pošiljka sadrži neke od naprijed navedenih predmeta javni poštanski operater zadužen za pružanje poštanskih usluga može komisjski pregledati sadržaj pošiljke.


Dalji postupak sa pošiljkama za koje se utvrdi da sadrže neke od navedenih predmeta definiran je Pravilnikom o općim uvjetima za pružanje poštanskih usluga.

#

**Zaključak zasjedanja
ZAVNOBiH-a je da je Bosna i
Hercegovina tom odlukom
definisana kao jedinstvena i
nedjeljiva država u kojoj će
svi narodi imati ista prava!**



U petak, 24.11.2017. u Osnovnoj školi „Mramor“ u Mramoru organizovana je priredba povodom Dana državnosti BiH. Na priredbi su pored ostalih učestvovali i učenici koji idu na folklornu sekciju sa koreografijom „Muslimanske igre“.



Današnji dan, 25. novembar, se obilježava kao Dan državnosti Bosne i Hercegovine.

Prvo zasijedanje ZAVNOBIH-a (Zemaljsko antifašističko vijeće narodnog oslobođenja Bosne i Hercegovine) je održano 25. novembra 1943. godine u Mrkonjić-Gradu.

Na tom zasijedanju je donesena odluka o obnovi državnosti BiH, potvrđene su njene historijske granice, a Bosna i Hercegovina je definisana kao jedna od šest ravnopravnih republika u tadašnjoj Jugoslaviji.

Na današnji dan, 25. novembra 1943. godine, Bosna i Hercegovina je obnovila svoju državnost, koju je izgubila 1463. godine, kada je Bosna potpala pod upravu Osmanske imperije.

Nekoliko dana nakon toga, spomenuta odluka ZAVNOBIH-a je potvrđena i ozvaničena na Prvom zasijedanju AVNOJ-a, odnosno Antifašističkog vijeća narodnog oslobođenja Jugoslavije u Jajcu. BiH je, nakon što je oslobođena 1945. godine, dobila zastavu i grb.

Zaključak zasijedanja ZAVNOBiH-a je da je Bosna i Hercegovina tom odlukom definisana kao jedinstvena i nedjeljiva država u kojoj će svi narodi imati ista prava.

Na zasijedanju ZAVNOBIH-a potvrdilo je i izglasalo 247 vijećnika ZAVNOBIH-a svih bh. naroda.





U utorak , 19.12.2017. u Društvenom domu „Mramor“ učenici, roditelji i nastavnici su organizovali prodajni bazar, za koji su roditelji pripremali slana i slatka jela, a učenici sa nastavnicima razne ukrase, nakit i novogodišnje čestitke. Učenici IIb odjeljenja, zajedno sa svojim roditeljima prodali su sve što su imali na svom „štandu“.



U četvrtak, 21.12.2017. u Osnovnoj školi „Mramor“ u Mramoru, održana je priredba povodom Dana rudara, na kojoj su učestvovali i članovi folklorne sekcije čiji sam ja voditelj.



Osnovna škola „Mramor“ u Mramoru je, prigodnom priredbom u čast rudara istoimenog rudnika lignita u ovom mjestu, obilježila veliki praznik Dan rudara, koji se slavi 21. decembra.

Posjećenost priredbi bila je na veoma zavidnom nivou. Podržali su nas predstavnici rudnika i lokalne zajednice, mještani, roditelji, učenici, kao i svo nastavno i pomoćno osoblje škole. Prisutnima se, nakon intoniranja rudarske himne, najprije obratila direktorkica škole, prof. Belma Smajić, istaknuvši veliku važnost ovog praznika za našu školu, koji je možda i bitniji od samog Dana škole, jer bez rudnika naša bi škola bila pusta zgrada, a mjesto uskraćeno za veselu dječiju graju. Dan rudara u Mramoru nije samo dan kada se slavi, nego i dan kada se spomene i 180 rudara čiji su životi ugašeni u najvećoj rudarskoj nesreći, a čiji potomci i dan-danas svoj hljeb sa sedam kora zarađuju u istom rudniku. Skoro svaki učenik naše škole ima nekoga u porodici ko je na neki način vezan za rudnik



Pismo Mislavu

Štovanu mentoru
Moj. Znam da je teško da
ja živ. Teško vam je ali
znam da vi to možete.
Hoće porodica vi jake volite,
ali hleb teško naradite. Ali vidjeli
da vam nahrani.

SRETNO!

Rad u Rudniku "Mramor" organiziran je u tri smjene. Prva smjena radi od 7 do 15 sati, druga od 15 do 23, a treća s radom počinje u 23 i završava u 7 sati.

Rudari na radno mjesto dolaze oko 45 minuta ranije zbog uzimanja zaštitne opreme, prozivke i raspoređivanja na radne zadatke. S obrocima koje nose u ruksacima, uz pozdrav "sretno", silaze u jamu, zaposjedaju radilišta i rade, a na kraju smjene ponovo se vrši prozivka, da bi se provjerilo da li su izašli svi radnici koji su sišli u jamu. Nakon toga slijedi izlazak iz jame, tuširanje i presvlačenje, a zatim stiže naredna smjena i ciklus se nastavlja.

Sanel Dugalić zaposlen je u rudniku 12 godina i radi na dubini između 100 i 150 metara. Prisjeća se da mu je u prvoj sedmici kada je počeo raditi bilo prilično neobično. Imao je određenu dozu straha i osjećao je pritisak zemlje. Kasnije se, kaže, navikao. Svjestan opasnosti posla, kaže da iz kuće nikada ne odlazi bez pozdrava niti se vraća bez osmijeha na licu, uprkos svim poteškoćama s kojima se susreće tokom smjene "To je tako, posao je opasan i ne znamo hoćemo li danas izaći iz jame ili nećemo, tako da se kod kuće pozdravimo svaki put, i kada odlazimo i kada dolazimo. I dijete čeka. I kada pođem dijete isto pozdravi", navodi Dugalić.

- Sin poginulog rudara postao rudar -

U ovom se rudniku 26. avgusta 1990. godine dogodila stravična rudarska nesreća, najveća u Bosni i Hercegovini i u bivšoj državi. Usljed eksplozije poginula je najmlađa "Krekina" smjena od 180 rudara, iza kojih je ostalo 365 djece. *Damir Brašnjić*, tada šestogodišnji dječak, ostao je bez oca. Brašnjić danas radi u istom rudniku kao mašinski poslovođa na klasirnici i zamjenik je predsjednika Sindikata sindikalne podružnice "Mramor".

"Sve porodice koje su ostale članice fonda '26. avgust' u potpunosti su ispoštovane i sva djeca koja su željela da se školuju, imala su stipendije i absolutnu podršku Rudnika Kreka", izjavio je Brašnjić..



U okviru Evropske sedmice robotike, Visoka škola računarstva i poslovnih komunikacija eMPIRICA i STEM akademija organizovali su u srijedu, 22.11.2017. godine niz inspirativnih i besplatnih radionica za učenike osnovnih i srednjih škola u Tuzli.



EU Robotics Week – ERW je projekat namijenjen promociji robotike, programiranja i općenito STEM edukacije u gradovima Evrope. ERW je osnovan 2011. godine na Evropskom forumu za robotiku te se od tada jednom godišnje, ove godine u periodu od 17.-26. novembra, obilježava sedmica robotike širom Evrope. Održavaju se radionice, predavanja, takmičenja, izložbe sa ciljem predstavljanja robotike i tehnologije što široj populaciji, a prvenstveno djeci.

Ove godine se ERW po prvi puta obilježava u BIH. Partner ERW 2017 projekta u Tuzli bili su Visoka škola računarstva i poslovnih komunikacija eMPIRICA i STEM akademija. Na njihove radionice su bile pozvane osnovne i srednje škole u Tuzli, kao i i svi koji su zainteresovani da nauče nešto o LEGO robotima, mBot robotima i STEM (Science, Technology, Engineering, Mathematics) edukaciji općenito. ERW u Tuzli je u fokus stavio najmlađu populaciju i razvijanje njihovih afiniteta prema robotici, ali i tehnici i tehnologijama uopšte.



Kroz zabavno učenje i igru sa LEGO WeDo, LEGO EV3 i mBot robotima, ali i STEM eksperimentima, 180 djece iz 5 osnovnih i srednjih škola iz Tuzle i OŠ Klokočnica s oduševljenjem je ušlo u čaroban svijet robotike i drugih STEM oblasti. Djeca su naučila šta su senzori, kako se robot kreće, kako ga programiramo. Na STEM dijelu radionice naučili su šta je strujni krug, svirali na podnom pianu, igrali igru frustracije i igru operacije, koje su za njih pripremili i iskodirali polaznici STEM akademije.

Društveni dom Dobrnja u Dobrnji 6.12.2017. godine bio je mali da bi primio sve zainteresovane mještane koji su došli da pogledaju izvanrednu priredbu koju su pripremili učenici Područne škole "Dobrnja" sa svojim učiteljima.

Priredba je pripremljena u povodu obilježavanja rođendana književnice Nasihe Kapidžić-Hadžić. Na poziv Društva pisaca " Mali Princ" ova školica uzela je učešće i u projektu "Lutke u školi" koji je takmičarskog je karaktera. Inače ono što je karakteristično za školske priredbe koje organizuje PŠ "Dobrnja" je to što u njima učestvuju svi učenici od 1 do 5 razreda.

Posebno treba istaći da je Područna škola "Dobrnja" ako ne jedina , onda jedna od rijetkih škola koja je renovirana preko projekata i donacija a za koje su se pobrinuli isključivo uposlenici ove škole. Svakako, treba istaći da su i mještani naselja Dobrnja dali veliki doprinos kada je u pitanju poboljšanje unutrašnjeg i vanjskog izgleda škole a sve u cilju stvaranja što boljeg i ljepšeg ambijenta za da učenike ove škole. Danas je to školica sa internetom, toplom vodom, novom stolarijom, uređenim dvorištem a nedavno su na prozore postavili i nove zebra zavjese.

27.12.2017. roditelji Područne škole "Dobrnja" u organizaciji svojih učitelja, a uz podršku Aktiva žena Dobrnja, organizovali Bazar. Bazar su podržale i predstavnice inicijativne grupe "Aktivno starenje Gornja Tuzla".

Na bazaru su se prodavali kolači i razne slastice. Društveni dom Dobrnja bio je prepun mještana Dobrnje koji su došli da podrže učenike ove škole, a prikupljeni novac će se iskoristiti za unapređenje uslova učenja ove djece.

Obzirom da je tendencija porasta broja učenika u ovoj školici, mještani ozbiljno razmišljaju da od nadležnih traže izgradnju dvije učionice kako bi djeca u svom naselju mogla pohađati devetogodišnje obrazovanje. Svi mještani su spremni participirati, a djeca svojim radom i trudom prirediti dosta zabavnog programa i na taj način se odužiti mještanima.